

Goibekokale

ELGETA / Barikua / 2004eko azaroaren 26a / 208. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Izartu programatik ez du dirurik jasoko Udalak

IRATI AGIRREAZALDEGI

Euskadiko hirigune degradatuak biziberritzeko programa da Izartu. Herri bakoitzak bere proiektuak aurkezten ditu eta horren arabera Eusko Jaurlaritzak erabakitzen du dirulaguntzak eman edo ez. Elgetako Udalarik aurten laguntzarik ez ematea erabaki dute.

Izartu programatik jasotako dirulaguntzen bitartez hainbat proiektu aurrera ateratzea zen Udalen helburua, baina Eusko Jaurlaritzak dirurik ez duela emango jakinarazi zuen. Ondorioz, Udalak errekurtsio bat aurkeztu zuen, baina errekurtsio hori ere ez dute aintzakotzat hartu.

Beraz, proiektu horiek gauzatzeko beste bide batzuk hartu beharko dituzte, eta egokienak zein diren aztertzen dihardute. Besteak beste, erakundeekin harreman zuzenagoak izateko aukera kontuan hartu dute.

PROIEKTUAK

Diru gehien Mendi Museoa egiteko eskatu zuten, 1.800.000 euro, hain zuzen ere. Beste proiektuetako bat Salvador kalea oinezko-



ARTXIBOA

Domingo Iturben egingo den Mendi Museorako egin zuten eskari handiena.

endako izatea da, eta horretarako kalea egokitu behar denez, 400.000 euro eskatu zituzten.

Maalako parkerako, herri barruan aisiadirako guneak egiteko eta udaletxeko berrikuntzarako ere eskatu zuten dirulaguntza Izartu programaren bidez, bakoitzerako 300.000 euro.

Proiektu guztiak kontuan hartuta 4.741.000 euroko eskaria egin zuten 2008. urtera bitartean Izartu programaren bidez laguntzak eskuratzeko. Baina Eusko Jaurlaritzatik ezezkua jaso dutenez, dirua lortzeko beste bide batzuk aztertu arren baliteke proiektu batzuk atzeratzea.

KULTURA

Umeendako 'Mamburu' antzezlanaren Espaloian

I.A.

Markeliñe antzerki taldeak *Mamburu* lana antzeztuko du domekan 17:00etan Espaloia Kafe Antzokian. Elgetako Udalak antolatuko du ikuskizuna, eta umeendako antzerkia izan arren, nagusiek ikusteko modukoa ere bada.

Elgetan ikusi ahal izango den *Mamburu* antzezlanaren esan beharrekoa adierazteko ez dute inolako hitzik erabiltzen Markeliñe taldeko aktoreek.

Markeliñe taldeko aktoreek eurek sortutako istorioa da. Ikusleak dibertitzea, harritzea eta hunkitzea du helburua.

GAI NAGUSIA GERRA

Gerra izango da antzezlanaren gai nagusia, baina betiere ikuspuntu oso pertsonaletik begiratuta. Umeek, adinez txiki badira ere, badute etsaien, mugen eta abarren berri akziozko filmei esker. Lan honek *a priori* borrokatzera derrigortuta dauden soldaduen barru-barruko begirada izan nahi du. Itxuraz xumea, baina ikusle diren umeek gerra txiki horietaz

euren buruari galdetzeko proposamena.

Kontatutakoak batzuetan eurenak balira bezala har ditzaten saiaturiko dira antzezleak eta besteetan, berriz, inorenak ez balira bezala.

Berez umeendako ikuskizuna bada ere, gurasoek ikusteko proposa izan daiteke antolatzaileen esanetan.

Ikuskizunerako sarrerak Espaloian bertan erosi ahal izango dira bi euroren truke.



ARTXIBOA

Markeliñe antzeztuko du *Mamburu*.



Eguneko Zentroa zabalik dago

Uztailan inauguratu zuten Eguneko Zentroa, baina astelehen honetan ipini dute abian. Bost lagunekin ekin dio jardunari: hiru elgetar eta bi eibartarrek. Oraindik bi leku daude libre, baina elgetarrek eskaria egin ezean beste herri batzuetara zabalduko dute eskaintza. Domingo Iturbe kalean dago Eguneko Zentroa eta eraikinean zaintzapeko etxebizitza ere badago. Hiru lagunendako tokia du etxebizitzak, baina hutsik dago oraingoz, eskaririk ez baita jaso./I.A.

BETERANOEN PILOTA TXAPELKETA

PARTIDUAK

AZAROAK 26, BARIKUA

21:00: Alex Arantzabal/Alberto Telleria-J.C. Errasti/Jesus Belamendia

Ondoren, Jabier Otxoa/Mikel Elkoropello Larrea/Joseba

Gero, Satur/Migel Arantzeta-Jabier Bolinaga/Iñaki Izagirre

AZAROAK 28, DOMEKIA

11:00: A. Morales/F. Zenitagoia-Eduardo Zubiaurre/J.M. Zubiaurre

Ondoren, Mikel Larrea/Mikel Arkarazokoldo Goenaga/Roberto Basauri

Gero, Iñaki Ugarteburu/Enrike Ruiz-Angel Ibarluzea/Txapel

EMAITZAK

Koldo Goenaga/Roberto Basauri-Satur/Migel Arantzeta 22-19

Asier Morales/Fernando Zenitagoia-Jabier Otxoa/Mikel Elkoropello Larrea/Joseba 22-10

Alex Arantzabal/Alberto Telleria-Pello Larrea/Joseba 22-8

Eduardo Zubiaurre/J.M. Zubiaurre-J.C. Errasti/Jesus Belamendia 22-18

Jabier Bolinaga/Iñaki Izagirre-Angel Ibarluzea/Txapel 22-16

Mikel Larrea/Mikel Arkarazokoldo Goenaga/Roberto Basauri-Iñaki Ugarteburu/Enrike Ruiz 22-17

ELKARRIZKETA

FELI DESCARGA/BOLATOKI TABERNAKO JABE BERRIA

“Elgetako giroa gustuko dugulako hartu dugu taberna”

Joan zen barikuan zabaldu zituen Bolatoki tabernak ateak, epe batez itxita egon ostean. Bertara joanez gero aurpegi berriak ikusiko ditugu, gainera. Feli Descarga izango da hemendik aurrera Bolatokiko jabea eta arduraduna.

Nolatan hartu duzue Bolatoki tabernaren ardura?

Durango bizi banaiz ere sarritan etortzen gara Elgetara, eta hemengo poteo giroa beti gustatu izan zait. Inoiz ez naiz aurrez tabernaria izan, baina Bolatoki taberna hartuta guk ere giro horri kontribuzioa egingo diogu. Zenbat lagun ibiliko zarete tabernan lanean?

Hiru edo lau lagun. Astegunetan sukaldean bat, zerbitzari lanetan beste bat eta ni barran. Asteburuetan, berriz, beste lagun-tzaile bat ere izango dugu. Aldaketarik egin duzue tabernan ireki aurretik?

Pixka bat margotu dugu, baina gainontzean lehen zuen antzeko itxura du. Gure asmoa zen

barruko horma batean grafitiren bat margotzea, baina ez dugu denborarik izan. Beharbada udan-edo taberna itxita egongo denez, orduan aprobetxatuko dugu. Tabernari beste itxura bat ematea da gure asmoa, baina askorik aldatu gabe.

Zer eskainiko du Bolatoki tabernak?

Berrikuntza moduan, esan, hemen erretako ogia emango dugula eta opilak ere bertan eginak izango direla. Baina gainontzean aurreko jabeen erritmoa jarraitzen saiatuko gara. Egune-ro menuak emango ditugu eta asteburuetan kazuelatxoak, arrazioak eta ogitarkeoak ere. Egune-ro 09:00etatik 22:00etara izango dugu zabalik.

“Pixka bat margotu dugun arren, lehen zuen antzeko itxura du tabernak”

Tabernaz gain, kiroldegiaren ardura ere izango duzue. Zein da zuen eginbeharra?

Kirol instalazioak garbitzeaz arduratuko gara, baita pilotalekuaz ere. Horretarako beste langile bat hartu dugu. Bestalde, kiroldegira sartzen den jendearen kontrola eramatea gure lana da, baita saunarako bonoak saltzea ere. Hasiberriak gara honetan, baina erabiltzaileek eurek jakinarazten digute noiz sartzen diren eta argiak piztu behar ditugula. Pilotalekuan ere guk argiak pizten ditugu eta amaitzen dutenean eurek ixten dituzte ate guztiak. Ostiralean ireki zenuten. Nola joan dira lehen egunak?

Aurreko asteburuan martxa polita izan zen. Denboratxo bat itxita egon ostean jendea kostu egingo zaio berriz honako joera hartzea, baina pixkanaka hasiko dira etortzen.

Aurrerantzean zein asmo duzue?

Badugu ideia bat negurako, frontoian umeendako ikuskizunak antolatzeko. Asmoa besterik ez da, eta aurrerantzean ikusiko dugu nola doazen gauzak.



HERRITARREN HITZA/Maria Elena Eztenaga · Liburuzaina

Animatuko gara?

Tolosan Abesbatzen Nazioarteko Lehiaketa ospatu zela eta goibelaldi edo tristura antzeko zerbait sentitzen hasi naiz.

Hainbat burutapen izan ditut horren harira, hain zuzen ere, guk izan genuen abesbatzaren gainekoak.

Desagertu egin zen, beste gauza asko apurtu edo desagertzen diren bezala.

Hainbat arrazoi egon ziren hori gertatzeko: beharbada nekatuta geunden, ahots berriak falta zitzaizkigun, motibazio falta ere bageneukan, eta akaso, leku apropos bat ere ez genuen gure kontzer-

tu borondatetsuak emateko.

Goian aipatutako hutsuneak ez direla bete uste dut, baina behintzat leku apropos bat sortu dute herrian gure zoroaldi musikalentzat: Espaloia kafe antzokia, hain zuzen ere.

Orain, lehen hasi gineneko izpiritu animatzaile hura gudanatu beharra daukagu, eta elgetar guztiei, batez ere gazteei, dei berezi bat egin,



“Tamalez taldean edo koadrilan abesteko ohitura galtzen ari da”

jakin badakigulako musikaren arloan aparteko grina berezia dutela.

Euskal folklorea, benetan dotorea eta abesti zoragarriekin jantzia daukagu.

Tamalez, taldean edo koadrilan abesteko ohitura galtzen ari da, elkartu eta umore onean abestu, ez bakarrik lehiaketetan (guretako larregia da), baina bai plazer hutsagatik.

Hau da, edozein lekutan eta edozein aitzakia merkea topatzen ibili barik abestu, eta atsegin handiz gure eta aldamenekoek bihotzak alaitu. Nahikoa tristura eta arazo baditugu eta lehen ere gure munduan.

Gaztelaniako esaera batek dion erara: *Quien canta los males espanta*.

Ea egia den, artikulua honen izenburuan diodan bezala: “animatuko gara ala?”

Hala balitz, eta animatuko bagina, Euskal Herriko ohitura zaharrenetariko bati denon artean bultzatatzeko ematea lortuko genuke.

LABUR

Hiru talde bizkaitar gaur gaztetxean

Gaur, barikua, kontzertua izango da gaztetxean 22:30ean hiru talde bizkaitarrekin. Markinako Oliba Gorriak eta Txato Plato eta Ondarroako Tuboskapi taldeak izango dira bertan. Oliba Gorriak taldekoek hardcore eta punk doinuak egiten dituzte. Txato Platokoek punk-rock doinuak, eta hauek gainera *Ju hadi etxa* diskoa kalean dute. Hirugarren taldeak, Tuboskapik, ska doinuak ekarriko ditu Elgetara. Kontzerturako sarrerak hiru euro balio du.

DANBAKA))))))

DEBAGOIENENKO I. MUSIKA LEHIAKETA

SMS MEZUAK

Gustukoena duzun talde, bakarlari edo abestiari lagunduz, zuk ere saria irabazi!

Mezuak bidaltzeko jarri:

DANBAKA (tartea) PARTAIDEAREN IZENA eta bidali 7744 zenbakira.

Mezu bakoitzaren kostua 0,9+BEZa.



ILE APAINDEGIEN GIDA

AMAIA, CELIA ETA MARIMAR /KIZKUR ILE APAINDEGIKOAK

'TIGI produktuekin lan egiten dugu; produktu hauek Tony&Guy taldeak sortutakoak dira'

Zenbat urte daramatzazue orrazten?

Orain dela 17 urte zabaldu nuen ile apaindegia -dio Celiak. Amaia bere ahizpa, berriz, lau urte geroago hasi zen berari laguntzen eta orain dela zazpi urte estetikako zerbitzua eskaintzen hasi da. Hirugarren lankidea, Marimar, orain dela bost urte hasi zen ile apaintzaile.

Moda jarraitzaileak zarete?

Bai, noski. TIGI produktuekin lan egiten dugu; produktu hauek Tony&Guy taldeak sortutakoak dira. Urtero joaten gara Londresera Tony&Guy taldeak bertan daukan ile apaindegira. Urtean lau aldiz etortzen dira Bilbora Tony&Guy taldekoak eta azken tendentzien berri ematen digute.

Zer-nolako bezeroak dituzue?

Denetariko bezeroak ditugu, umeetatik hasi eta nagusietara, gizonetakoak eta emakumezkoak. Estetika sailean 22 urtetik beherakoentzat deskontu bereziak ditugu.

Jendea ausarta da?

Bai. Jendea geroz eta ausartagoa da. Mutilak geroz da gehiago ausartzen dira kolorea ematera ilean, depilatzera, gehiago zaintzen dira, guk orrazkera berriak egitera animatzen ditugu... Jendeak zaintzen du ilea?

Orokorrean bai. Lehen baino garrantzi handiagoa ematen zaio ilea osasuntsu edukitzeari. Profesionalek esaten digute Euskal Herrian garrantzi handia ematen diogula itxurari eta ilea ondo eramateari. Euskal Herriko ile apaintzaileak dira gehien eskatzen dutenak tendentzia berrien berri ematera etortzeko. Guk TIGI produktuak erabiltzen ditugu tratamenduak egiteko.



Amaia, Celia eta Marimar.

Bezeroei aholkuak ematen dizkiezue ala ideia garbiekin etortzen dira?

Normalean aholkua eskatzen digute, eta guk bakoitzaren ezaugarrien arabera orrazkera bat edo beste bat proposatzen diegu, estilo pertsonalizatuak eskaintzen ditugu.

Zer da gehien egiten duzuen momentu honetan?

Kolorea da momentu honetan gehien egiten duguna. Kolorea da lehenengo ematen dena, betiere gero egingo diogun orrazkerarekin pentsatzen. Orain kolorearena fantasia da, zeren kolore bat baino gehiago erabiltzen baititugu, oso polita da.

Ile apaindegia bakarrik ala beste zerbitzu batzuk ere eskaintzen dituzue?

-Estetika orokorrean: aurpegirako tratamenduak, gorputzerako tratamenduak, manikura, depilazioa, ezkontzetarako eta fantasiako makillajea.

KIZKUR

Bolu 51 - Bergara • 943 76 50 32

- Ile apaindegia eta estetika areto integrala
- Azken joerak
- Puntako markak

Aukera onenak

ADATS

Herri lagunak 4 - Bergara
943 76 49 51

- Solarium bertikala
- Europako azken tendentziak
- Zerbitzu berezi eta pertsonalizatua

AMPARO

ILEAPAINDEGIA
ESTETIKA

Boni Laskurain 2 - Bergara
943 76 43 07

- Txapelketetako Gipuzkoa taldekoak
- Kérastase tratamenduak
- Makillaje bereziak
- Abangoardia lanak

BEROTZI

PELUQUERAS

D. Fleming 5 - Bergara
943 76 53 15

- Sebastian promozio bereziak
- Trucco makillajea
- Londres eta New Yorkeko azken tendentziak
- Schwarzkopf kolorea

disdira

ile apaindegia

Masterreka 7 - Bergara
943 76 00 55

- Luzatzeak
- Azken joerak
- Ezkontzak
- Azken joerak koloretan

IDOIA

Espoloia 4 - Bergara
943 76 97 75

- Ile luzatzeak
- Aurpegiko larruazal garbitzea
- Solariuma

ileak

Ozaeta 3
BERGARA
943 76 22 54

- Ilerako tratamenduak
- Teknika berriak
- Era guztietako orraskerak

IZARRA

San Pedro 23 - Bergara
943 76 29 72

- Luzatzeak, ile-kordak, rastak
- Ilerako bitxiak
- Solariuma dutxarekin

ORRASKI

San Pedro 6 - Bergara
943 76 47 01

- Ile apaindegi mistoa
- Kolore bereziak
- Ezkontzak
- Solariuma

Ostadar

Ibargarai 42 - Bergara
943 76 72 76

- Ile mozte eta kolore pertsonalizatuak
- Depilazioa eta makillajea
- Solariuma dutxarekin

Pepelu

Zurradero 2 - Bergara
943 76 43 07

- Gizonezkoendako
- Labanaz mozteak
- Azken tendentziak
- Bizartegia
- Kolorea

Sanchez

ile apaindegia

Fraiskozuri 4 - Bergara
943 76 23 70

- Gizonezkoendako
- Labanaz mozteak
- Klasikoa/modernoak
- Bizartegia
- Kolorea